



XAFIISKA XEER ILAALIYAHA GUUD EE QARANKA  
OFFICE OF THE ATTORNEY GENERAL  
مكتب النائب العام

# WARBIXIN SANNADDEEDKA 2024

[www.ago.gov.so](http://www.ago.gov.so)





# TUSMO

I. Farriinta Xeer Illaaliyaha Guud ee Qaranka	04
II. Gogoldhig	05
III. Xog Guud	06
IV. Falanqeynta Xogta Xafiiska Xeer Illaaliyaha Guud	08
V. Xogta Denbiyada Dowlad Goboleedyada	18
VI. Tirokoobka Caruurta Bannaanada lagu tuuray	20
VII. Tababarka Hawlwadeenada	21
VIII. Tababarka Ardayda Jaamacadaha	22
IX. Waxqabadka Xafiiska Xeer Illaaliyaha Guud	23
X. Caqabdaha iyo Talo soojeedin	38

# FARRIINTA XIGQ



## Marwooyin iyo Mudanayaal,

Sharaf weyn ayay ii tahay in aan idinla wadaago warbixin Sannadeedka Xafiiska Xeer Ilaaliyaha Guud ee Qaranka ee Sannadkii 2024. Warbixintaan oo aan si jooqta ah ula wadaageynay bulshada Soomaaliyeed Shantii Sanno ee ugu denbeesay taas oo aan ku soo bandhigno warbxingta guud ee Xeer Ilaalinta dalka, guulaha lagaaray, hiigsiga, siyaasadaha hor-tabinta u leh Xeer Ilaalinta Qaranka iyo waliba caqabadaha ku gadaaman.

*Sanadkaan dhammaaday, Xafiiska Xeer Ilaaliyaha Guud ee Qaranku waxa uu xoogga saaray ladagaallanka denbiyada lidka ku ah Anshaxa, lacag dhaqista iyo maalgenta argagixisada, kuwaas oo guula aad u weeyn laga gaaray. Sidoo kale Xafiisku waxa uu Sanadkaan xoogga saaray kor u qaadista aqoonta iyo xirfadaha shaqaalaha Xafiiska Xeer Ilaaliyaha Guud ee Qaranka. Aqoon kororsiyadaas oo isgu jiray koorsooyin gaagaaban, tababarro waqtiyeysan oo laxiriira xirfadaha sharciga iyo hannaanka barista denbiyada, Tababarradaas oo isugu jiray kuwa ku qabsoonay dalka iyo dibadda.*

**Xafiiska Xeer Ilaaliyaha Guud ee Qaranku waxa uu xoogga saaray ladagaallanka denbiyada lidka ku ah Anshaxa, lacag dhaqista iyo maalgenta argagixisada.”**

Sanadka cusub ee (2025), Xafiiska waxaa u degsan siyaasad cad oo lagu hormarinayo hannaanka caddaaladda, aqoonta shaqaalaha, sare u qaadista xirfadda denbi baarayaasha, kaaliyaasha iyo Xeer Ilaaliyaasha, taas oo looga gol-leeyahay hirgelinta istaraatiijiyadda mideeysan ee garsoorka iyo horumarinta adeegga caddaaladda dalka.

Waxaan u mahadnaqayaa, una hambalyeynayaa dhammaan bahda Xeer Ilaalinta qaranka, gaar ahaan guddigii soo diyaariyay warbixinta iyo hawladeenada kale ee hawshan qiimaha badan suurageliyay. Waxaan ku bogaadinayaa guud ahaan Shaqaalaha Xeer Ilaalinta Qaranka sdai ay gutaan waajibkooda qaran iyo mas'uuliyaddooda sharci, waxaana markale ku boorriyayaa in ay sii labo jibbaaraan dadaalkooda. Waxa aan bahda Xeer Ilaalinta Qaranka u rajeynayaa Sannad wacan.

## SULAYMAAN MAXAMED MAXAMUUD

Farriinta Xeer Ilaaliyaha Guud ee Qaranka

## GOGOL-DHIG

Xafiiska Xeer Ilaaliyaha Guud ee Qaranka Soomaaliya waxaa lagu aasaasay Xeerka Nidaamka Garsoorka Jamhuuriyadda Federaalka Soomaaliya Xeer Lr: 03, ee 12-ka Juun 1962. Xafiiska Xeer Ilaaliyaha Guud ee Qaranku waxa uu qayb ka yahay Hay'adda Garsoorka Soomaaliya.

# 1 XOGTA GUUD

## WAAJIBAADKA XXIGQ

Wajibaadka XXGQ waxaa lagu xusay xeerar dhawr ah oo ay ugu horreeyaan Dastuurka dalka, Xeerka Nidaamka Garsoorka iyo Xeerka Habka Ciqaabta (XHC). XXGQ waa Xafiis u madaxbanaan shaqooyinkiisa, tiirna u ah Dawladnimada, dabaqidda Xeerarka, Shuruucda Dalka iyo sarreynta sharciga. Waa Xafiis adeeg lagama maarmaan ah siiya shacabka Soomaaliyeed. Waxaa wajibaadkiisa iyo masuuliyadihiisa ka mid ah arrimaha soo socda:

- » Ilaalinta iyo dhawrida xeerarka iyo shuruucda Dalka.
- » Oogista dacwadaha ciqaabta ah, ka hortagga iyo ka dabatagga danbiyada.
- » Kormeerka, hagista baarayaasha iyo baarista dacwadaha ciqaabta ah.
- » Ilaalinta iyo dhawrida xuquuqaha kala duwan ee mawaadiniinta Soomaaliyeed.
- » Xaqiijinta sarreynta sharciga iyo ku dhaqanka xeerarka dalka iyo fulinta go'aanada sharci ah ee ka soo baxa hay'adaha dawladeed ee kala duwan.
- » Kormeeridda xaaladdaha nololeed iyo ilaalinta xuquuqda dastuuriga ah ee maxaabiistu leeyihiin.
- » Xaqiijinta xuquuqda dadka nugul iyo ilaalinta danta guud ee cadaaladda.
- » Kaydinta xogta iyo ilaalinta diiwaanka danbiyada.



### HIGSIGA XAFIISKA XXIGQ


In la yagleelo Xafiis ku suntan adeeg Xeer Ilaalin heer sare ah, oo ilaaliya xuquuqda muwaadiniinta sidoo kalana dhiirrigaliya maamul cadaaladeed oo hufan, oo hubiya badqabka dadweynaha iyo dhawrida sharciga.

### YOOLKA XAFIISKA


Yoolka Xafiisku waa in la helo adeeg Xeer Ilaalined oo madax-bannaan, dhexdhexaad ah, xirfadaysan, una adeegga si ay ku dheehan tahay hufnaan, dhawrida xuquuqda muwaadiniinta, hubinta ixtiraamka sharciyada, helidda kalsoonida dadweynaha, ilaalinta maamul cadaalad-danbiyeed iyo ku dhaqanka dastuurka oo dalka oo dhan ka hirgala.

### QIYAMKA ASAASIGA

1. Caddaalad
2. Madax-bannaani
3. Hufnaan
4. Dhex-dhexaad ah
5. Isla-xisaabtan
6. Xirfadlenimo



# QAAB DHISMEEEDKA XAFIISKA



qaab dhismeedka Xafiiska

# 2 FALANQEYNTA XOGTA XAFIISKA

## TIRADA GUUD GALALKA LAGA FURAY XEER ILAALINTA DALKA

# 4,375

GALALKA GUUD

Xafiisyada xeer ilaalinta ee heer dowlad federaal iyo maamul goboleed ayaa diiwaangeliyay galal gaaraya 4,375 sanadkii 2024

# 2917

Xafiiska Xeer Ilaaliyaha Guud ee Qaranka, oo qaabilsan dacwadaha iyo kiisaska ka dhaca guud ahaan dalka, ayaa diiwaangeliyay 2,917 gal.

### Galalkaan ayaa ka kooban:

Galalkan waxa ay ka kooban yihiin fal-dambiyeedyo kala duwan, sida xatooyo, musuqmaasuq, iyo ku xadgudubka sharciga, kiisaska madaniga ah oo ay ku jiraan muranada dhaxalka, qandaraasyada, iyo dacwadaha kale ee madaniga ah, iyo dacwado la xiriira xuquuqda aadanaha, sida dilal sharci-darro ah, jirdil, iyo tacadiyo kale.

# 216 GAL

Hirshabeele

Xafiiska Xeer Ilaalinta Hirshabeele waxa u diiwaan geliyey 216 gal.

# 1,033 GAL

Koonfur Galbeed


Xafiiska Xeer Ilaalinta Koonfur Galbeed waxa u diiwaan geliyey 1,033 gal

# 209 GAL


GalMudug

Xafiiska Xeer Ilaalinta Galmudug waxa uu diiwaan geliyey 209 gal.





# TIRAKOOBKA HAWLWADEENADA XXIQ



Jaantuska 1aad: Tirakoobka hawlwaadeenada xafiiska xeer Ilaaliyaha Guud

# TIRAKOOBKA DACWADAHA

**2917**


GALALKA GUUD EE XXIQ SOO GALAY


**1942**

GALALKA DHAMAADAY

**975**

GALALKA SOCDA






Jaantuska 2aad: Xogta Galalka ee Bilaha ah ee Xafiiska Xeer Ilaaliyaha Guud ee Qaranka 2024

Faah faahinta Noocayada Dembiyada ee Dacwadaha Xafiiska XIG Sanadka 2023-2024


Lmr	Nooca Dembiga	Tirada Eedaysa-nayaasha	Galal Hore	Galal la furay	Galal Socdo	Go'aan	Maxkamadaha Loo Gugbiyay	Xukun	
								Beri	Dembiile
1	Dambiyada lid ku ah Nafa	2,053	250	1,173	557	477	389	102	287
2	Dembiyada Hantida	949	260	545	201	337	267	98	169
3	Dembiyada Maliyada	655	185	453	405	83	150	57	93
4	Dembiyada Tacadiga Jinsiga	504	97	313	71	187	152	53	99
5	Dembiyada Maandooriyaha	354	129	317	46	130	141	40	101
6	Dembiyada Socdaalka	204	46	119	24	69	72	14	58
7	Dacwad oogista Madaniga	67	0	53	17	19	17	6	11
8	Dembiyada Internetka	41	0	29	5	13	11	4	7
9	Dembiyada Bada	46	5	24	4	11	14	3	11
10	Dembiyada Deegaanka	35	0	21	4	9	8	3	5
<b>TIRADA GUUD</b>		<b>4,908</b>	<b>972</b>	<b>2,917</b>	<b>1,333</b>	<b>1,335</b>	<b>1,221</b>	<b>380</b>	<b>841</b>

Shaxda 1aad: Noocayada Denbiyada ee Dacwadaha Xafiiska XIG Sanadka 2023-2024

# TIRAKOOBKA RACFAANADA




Jaantuska 3aad: racfaanada Maxkamada Racfaanka laga qaatay




Jaantuska 4aad: Racfaanada Maxkamada Sare laga qaatay



# TIRAKOOBKA EEDEYSANAYAASHA




Jaantuska 5aad: Noocyada denbiyada



Jaantuska 6aad: Tirakoobka eedeysanayaasha

## faahfaahinta dhibanayaasha uu Xafiiska u adeegay sannadka 2024



Jaantuska 7aad: Tirakoobka dhibanayaasha dhibanayaasha uu Xafiiska Xeer Ilaaliyaha Guud ee Qaranku u adeegay sannadka 202

4,908

Tirada Guud Ee Eedeysanayaasha

4,373

RAG

535

DUMAR

8,976

Tirada Guud Ee Dhibanayaasha

6,079

RAG


2,897

DUMAR

# TIRAKOOBKA


## FALDENBIYEEDKA IYO DEGMOOYINKA

Faldembiyeedyada ay soo gudbiyeen hay'adaha iyo degooyinka Gobolka Banaadir 2024



Jaantuska 8aad: Jaantuskani waxa uu sharxayaa faldembiyeedyada ay soo gudbiyeen hay'adaha iyo degooyinka Gobolka Banaadir 2024


Isbarbar-dhiga Faldembiyeedyada ka dhacay Gobolka Banaadir



Jaantuska 9aad: Jaantuskani waxa uu sharxayaa Isbarbar-dhiga Faldembiyeedyada ka dhacay Gobolka Banaadir 2020-2024


# ISBARBAR-DHIGA MARXALADAHA GALALKA

Marxalada ay marayaan galalka xafiiska laga furay Sannadka 2024




Jaantuska 10aad: Jaantuskani waxa uu soo bandhigayaa marxaladaha ay marayaan galalka xafiiska laga furay Sannadka 2024

Dembiyada Xatooyada



Jaantuska 11aad: Jaantusyada waxa uu isbarbar-dhigayaa dembiyada Xatooyada 2020 - 2024

Dembiyada Maaliyada




Jaantuska 12aad: Jaantuskani waxa uu dembiyada Maaliyada




# ISBARBAR-DHIGA NOOCYADA DENBIYADA

Isbarbar-dhiga galalka si boqoley ah 2020 - 2024




Jaantuska 13aad: Jaantuskani waxa uu si boqoley ah isu bar-bardhigayaa Galaka Xafiiska soo galay Shantii Sanno ee la soo dhaafay





Jaantuska 14aad: Jaantuskani waxa uu soo bandhigayaa Noocyada Denbiyada ee Xafiiska soo galay sannadka 2024


Isbarbar-dhiga Galalka Xafiiska soo gaaray Bille ahaan 2020 - 2024



Jaantuska 15aad: Jaantuskani waxa uu si Bille ah isu bar-bardhigayaa Galalka Xafiiska soo galay 2020 - 2024




Jaantuska 16aad: Dembiyada Hantida




Jaantuska 17aad: Dembiyada Been Abuurka

## Denbiyada Maandooriyaha



Jaantuska 18aad: Dembiyada Maandooriyaha


## Denbiyada ka dhanka ah Tacadiga Jinsiga



Jaantuska 19aad: Dembiyada ka dhanka ah Tacadiga Jinsiga




Denbiyada Dilka



Jaantuska 20aad: Dembiyada Dilka

# ISBARBAR-DHIGA MEYDADKA



Jaantuska 21aad: Isbarbar-dhiga meydadka la mariyey habraaca sharci ee aasidda

Xafiiska ayaa sannadka 2024 ogolaaday in la aaso 48 qof, oo 40 ka mid ah ayyihiin muwaadiniin iyo 8 ajaanib. Sannadkii 2023, waxaa la ogolaaday in la aaso 16 qof, 13 muwaadiniin iyo 3 ajaanib, halka 2022 ay ahayd 22 qof, oo 17 muwaadiniin iyo 5 ajaanib. 2021, 22 qof ayaa la ogolaaday in la aaso, 18 muwaadiniin iyo 4 ajaanib. Isbarbardhigga, tirada guud ee aaska ayaa kordhaysa sannad kasta, iyadoo tirada muwaadiniinta ay si weyn uga badan tahay ajaanibta.



# 3 XOGTA DENBIYADA DOWLAD GOBOLEEDYADA

## DACWADAHA XAFIISKA XEER-ILAALIYAHA GUUD DOWLAD G. HIRSHABEELE

Guud ahaan Xafiiska Xeer-Ilaaliyaha Guud ee Dowlad-Goboleedka Hirshabeelle waxa uu qabtay sanadka 2024, dacwado tiradoodu tahay 216 dacwo, waxaa dhammaaday 93, waxaa wali socda 55.

**216**   
Dacwo ayuu xafiisku qabtay.

### Shaxda Dacwadaha Xafiiska Xeer-Ilaaliyaha Guud ee Hirshabeelle

Lmr	Nooca Dembiga	Galal la furay	Galal Socdo	Go'aan	Maxkamadaha Loo Gugbiyay	Xukun	
						Beri	Dembiile
1	Dil kas ah	28	12	04	12	03	09
2	Dil kama ah	02	00	01	01	00	01
3	Tuugonimo	44	05	22	17	06	11
4	Kufsi	20	03	02	15	05	10
5	Dhaawac	33	07	16	10	02	08
6	Burburin hanti	06	02	01	03	01	02
7	Burcadnimo	20	03	08	09	03	06
8	Isticmaal Maandoriyeed	03	02	00	01	00	01
9	Amar diido Garsoore	06	01	00	05	01	04
10	Dagaal Sifeen	04	01	02	01	00	01
11	Amaano Lunsasho	07	03	00	04	01	03
12	Dhileysi	04	01	02	01	00	01
13	Uur ku dilis latashi la'an	01	00	01	00	00	00
14	Galmo Isku jinsi	01	00	00	01	00	01
15	Hooy Galid Sharci darro ah	04	01	01	02	00	02
16	Iska Dhigid Qofkale	02	00	02	00	00	00
17	Isku Day Dil	04	01	02	01	00	01
18	Hanjabaad	07	04	01	02	00	02
19	Burburin Hanti	04	03	00	01	00	01
20	Turufo	05	03	00	02	00	02
21	Ganacsi Xashiish	04	02	00	02	00	02
22	Guur Sharci Daro	01	00	00	01	01	00
23	Carqaladeyn gacan ku hayn hanti maguurta ah	04	01	01	02	01	01
24	Burinta waajibaadka Qoyska	02	00	02	00	00	00
Wadarta Guud		216	55	68	93	24	69

Shaxda 2aad: Dacwadaha Xafiiska Xeer-Ilaaliyaha Guud ee Dowlad-Goboleedka Hirshabeelle

## DACWADAHA XAFIISKA XEER-ILAALIYAHA GUUD

# DOWLAD G. GAL-MUDUG

Guud ahaan Xafiiska Xeer-Ilaaliyaha Guud ee Dowlad-Goboleedka Galmudug waxa uu qabtay sanadka 2024, dacwado tiradoodu tahay 209, waxaa dhammaaday 165 oo isugu jira galal ka soo wareegay sanadkii hore iyo sanadkan, waxaa wali socda 109.

**209**   
Dacwo ayuu xafiisku qabtay

### Shaxda Dacwadaha Xafiiska Xeer-Ilaaliyaha Guud ee Gal-Mudug

Lmr	Nooca Dembiga	Eedaysan-ayaasha	Galal la furay	Galal Socdo	Go'aan	Maxkamadaha Loo Gugbiyay	Xukun	
							Beri	Dembiile
1	Dil	39	10	32	16	26	00	26
2	Kufsi	33	06	26	10	22	10	12
3	Dhaawac	92	09	79	30	58	22	36
4	Tuugo	66	16	38	26	28	11	17
5	Afduub	22	17	22	21	18	06	12
6	Mukhaadaraad	13	07	12	06	13	05	08
<b>Wadarta Guud</b>		<b>265</b>	<b>65</b>	<b>209</b>	<b>109</b>	<b>165</b>	<b>54</b>	<b>111</b>

Shaxda 3aad: Dacwadaha Xafiiska Xeer-Ilaaliyaha Guud ee Dowlad-Goboleedka Hirshabeelle

## DACWADAHA XAFIISKA XEER-ILAALIYAHA GUUD

# DOWLAD G. KOONFUR GALBEED

Guud ahaan Xafiiska Xeer-Ilaaliyaha Guud ee Dowlad-Goboleedka Koonfur Galbeed waxa uu qabtay sanadka 2024, dacwado tiradoodu tahay 1033 dacwo, waxaa dhammaaday 615, waxaa wali socda 206.

**1033**   
Dacwo ayuu xafiisku qabtay.

### Shaxda Dacwadaha Xafiiska Xeer-Ilaaliyaha Guud ee Koonfur Galbeed

Lmr	Nooca Dembiga	Galal la furay	Galal Socdo	Go'aan	Maxkamadaha Loo Gugbiyay	Xukun	
						Beri	Dembiile
1	Dil	93	14	07	72	02	70
2	Kufsi	78	10	10	58	11	47
3	Dhaawac	174	43	41	90	20	70
4	Tuugonimo	118	08	44	66	34	32
5	Afduub	75	10	20	45	09	36
6	Dhulboob	113	33	19	61	15	46
7	Caasinimo	63	08	15	40	00	40
8	Been abuur	144	34	28	82	14	68
9	Amaano lunsii	120	31	22	67	26	41
10	Daraagis	55	15	06	34	09	25
<b>Wadarta Guud</b>		<b>265</b>	<b>65</b>	<b>209</b>	<b>109</b>	<b>165</b>	<b>54</b>

Shaxda 4aad: Dacwadaha Xafiiska Xeer-Ilaaliyaha Guud ee Dowlad-Goboleedka Koonfur Galbeed

## 4


## TIRAKOOBKA CARUURTA BANNAANADA LAGU TUURO

Xafiiska Xeer Ilaaliyaha Guud ee Qaranka waxaa mas'uuliyaddiisa ka mid ah ilaalinta xuquuqda dadka nugul ama baahiyaha gaarka ah qaba iyo caruurta bannaanada lagaga tago ama isbitaalada lagaga dhuunto.

Haddaba, Xafiiska Xeer Ilaaliyaha Guud ee Qaranka, waxa uu Sannadka 2024 diiwaangeliyay 57 carruur ah oo isugu jira kuwo bannaanada lagu soo tuuray iyo kuwo isbitaallada lagu dhalay loogana dhuuntay. Ubadkaas Xafisku waxa uu xil iska saaray gacan-ku-hayntooda iyo barbaarintooda isagoo u xil saaray dad la xaqiijiyay, laguna aamini karo mas'uuliyadda loo xilsaaray.

# 57

XXIG wuxuu Diiwan geliyey 57 caruur ah oo isugu jira kuwo bannaanada lagu soo tuuray iyo kuwo isbitaallada lagu dhalay loogana dhuuntay



Jaantuska 22 aad: Tirakooka Caruurta bannaanada lagu tuuro

# 5 TABABARADA HAWLWADEENADA

## Horumarinta xirfadaha Hawlwadeenada.

Hawlwadeennada Xafiiska Xeer Ilaaliyaha Guud ee Qaranka ayaa ka faa'iidaystay tababaro gudaha dalka iyo dibadda ah oo lagu horumarinayo xirfadaha maaraynta fal-dambiyeedyo, xalinta kiisaska madaniga ah, iyo ilaalinta xuquuqda aadanaha. Tababaradan ayaa diiradda saaray isticmaalka farsamooyin casri ah si loo wanaajiyo hufnaanta shaqada xafiiska. Dadaalladan ayaa horseeday in hawlwadeennada xafiiska ay yeeshaan xirfado dhammaystiran oo ka caawiya fulinta hawlahooda si hufan, taasoo kor u qaaday kalsoonida lagu qabo xafiiska iyo awooddiisa in uu ilaaliyo sharciga iyo caddaaladda dalka.

TABABARADA  
GUUD

19

Tababarada Guud: Hawlwadeennada Xafiiska Xeer Ilaaliyaha Guud ayaa ka faa'iidaystay 19 tababar oo diiradda lagu saaray horumarinta xirfadaha iyo aqoonta shaqada si loo xoojiyo waxtarka iyo hufnaanta adeegyada xafiiska.

9

TABABARADA DALKA LAGU  
QABTAY

10

TABABARADA DIBADADA  
LAGU QABTAY



50%

Sanadkii 2023, 11% ka mid ah hawlwadeenadeenna ayaa helay tababaro. Sannadkan, qorshaheenna ayaa ah inaan kordhinno tiradan, si loo gaarsiyo 50%.

# 6 TABABARADA ARDEYDA JAAMACADAHA

## Horumarinta xirfadaha Ardayda Jaamacadaha.

Xafiiska Xeer Ilaaliyaha Guud ee Qaranka, iyada oo la tixgelinayo baahida ardayda Soomaaliyeed ee ka qalinjabiyey kuliyadaha sharciga ee jaamacadaha gudaha iyo dibadda, waxa uu sannad kasta ardayda u fidiyaa tababbar xirfadeed. Tababbarkaan ayaa ujeedadiisu tahay in ardaydu fahmaan shaqada hay'adaha garsoorka, si ay ugu dabaqaan casharradii ay barten uguna kobciyaan khibraddooda iyo xirfadahooda. Ardayda ka faa'iidayanaysa tababbarkan waxa ay kala yihiin:

TIRAKOOB GUUD

46

ARDAYDA TABABARADA XAFIISKA  
KU QAATAY

Xafiiska Xeer Ilaaliyaha Guud ee Qaranku wuxuu sannad walba tababbar xirfadeed siiya ardayda sharciga ee jaamacadaha gudaha iyo dibadda, si ay u fahmaan una dabaqaan shaqada garsoorka. Sanadka 2024, 46 arday ayaa ka faa'iideystay tababarkan.




65%

30  
WIILAL



35%

16  
GABDHO



## 7

# WAXQABADKA XAFIISKA XEER ILAALIYAHA GUUD EE QARANKA

## 01

## GUUSHA OOGISTA DACWADAHA

Xafiiska Xeer Ilaaliyaha Guud ee Qaranka maadaama shaqadiisa ugu badan ay tahay oogista dacwadaha ciqaabta ah, xafiisku waxa uu ku guuleysey kiisaskii uu u gudbiyey maxkamadaha boqolkiba Todobaatan in ka badan.

## 02

## ADEEGA DADLA NUGUL IYO CARUURTA

Xafiiska Xeer Ilaaliyaha Guud ee Qaranka waxaa mas'uuliyaddiisa ka mid ah ilaalinta xuquuqda dadka nugul ama baahiyaha gaarka ah qaba iyo caruurta bannaanada lagaga tago ama isbitaalada lagaga dhuunto. Haddaba, Xafiiska Xeer Ilaaliyaha Guud ee Qaranka, waxa uu Sannadka 2024 diiwaangeliyay 57 carruur ah oo isugu jira kuwo bannaanada lagu soo tuuray iyo kuwo isbitaallada lagu dhalay loogana dhuuntay. Ubadkaas Xafiisku waxa uu xil iska saaray gacan-ku-hayntooda iyo barbaarintooda isagoo u xil saaray dad la xaqiijiyay in lagu aamini karo mas'uuliyadda loo xilsaaray.

## 03

## TAYEYNTA HAWLWADEENADA

Xafiisku waxa uu ku daalay sidii ay hawylwadeena xafiiska ka shaqeeyaa u heli lahayeen, tabbaro kor loogu qaadayo aqoontooda iyo xirfadooda. Sidaa darteed hawlwadeenadu waxaa ay heleen tabbaro kor loogu qaayeyey aqoontooda iyo xirfadooda, kuwaas oo lagu qabtay dalka gudihiisa iyo dibadiisaba, kuwaaso kor u dhaafaya ilaa 20 tababar.

## 04

## CARBINTA ARDAYDA BARATA SHARCIGA

Xafiiska Xeer Ilaaliyaha Guud ee Qaranka asaga oo tixgelinaya baahida ardayda Soomaaliyeed ee ka soo qalinjabiyay kuliyadaha sharciga ee Jaamacadaha dalka iyo kuwa dibaddaba ay u qabaan barashada iyo fahamka shaqada hay'adaha garsoorka, waxa uu Sannad walba tababar xirfadeed u fidiyaa ardaydaas, si ay u fahmaan casharadii ay soo qaateen isla markaana khibradooda iyo xirfadooda kor ugu qaadaan. Xafiisku Sannadkan waxa uu tababarat arday dhan 46 ardey oo qaatay tababar u soconayey 6 Bilood





## 05

### Booqasha Xeer Ilaaliyaha Guud ee Sweden

Xeer Ilaaliyaha Guud ee Qaranka ayaa booqasho rasmi ah ku tagay dalka Iswiidhan (Sweden) gaar ahaan magaalada Istookhom (Stockholm), waxa uuna kulan kula yeeshay Xeer Ilaaliyaha Guud ee dalka Sweden Marwo Katarina Johansson Welin. Intii uu socday wada-xaajoodkeenna laba-geesoodka ah, waxaa diiradda lagu saarnay xoojinta iskaashiga caalamiga ah ee la xiriira sharciga, gaar ahaan dambiyada isaga goosha xuduudaha.





## 06

### **MAREEGAHA ARGIGIXISADA**

#### EE XAFIISKU XIRAY

Xafiiska Xeer Ilaaliyaha Guud ee Qaranka waxa uu codsaday Sanadkan 2023/2024 in la xiro Mareegyo (Websites), ay isticmaali jireen kooxaha argagaxisada, waxaana la xiray 34 Mareeg, kuwaas oo ay kooxaha argagaxisada u adeegsan jireen inay ku faafiyaan warar been ah iyo inay ku qaldaan ummadda Soomaaliyeed, dhalinyaradana ay ku marin habaabin jireen. Sidoo kale Xafiiska waxa uu gacanta ku hayaa Mareego kale oo baaris ku socoto.



07

## KORMEERADA IYO QIIMAYN

Xafiiska Xeer-Ilaaliyaha Guud ee Qaranka, gaar ahaan Qeybta kormeerka Boliiska & Hagista Baarista Dembiyada ayaa kormeer ku tagay taariikhdu markii ay ahayd 03/09/2024, Hogaanka Baarista Dembiyada (CID). kormeerka oo ujeedadiisu ahayd u kuur galidda habka Denbi baarista, hufnaanta, ku dhaqanka sharciga iyo Ilaalinta Xuquuqda Maxaabiista ku xiran CID-da.

08

## CELINTA BADEECO DHACDAY

Xafisku waxa uu taariikhdu markii ay ahayd 21/07/2024 Fuliyeey Go'aanka ka soo baxay Hay'adaha Garsoorka, kaas oo ku saabsan in dib loo celiyo Badeecad ka kooban Todobo 7 konteenar oo Bur dhacay ah, kaas oo laga keenay dalka Turkiya isla markaana dib loogu celiyay meeshii laga keenay.



## 09

### KA QAYBGALKA SHIRKA BAHDA CADDALADDA

Xeer Ilaaliyaha Guud ee Qaranka ayaa kaga qeybgalay taariikhdu markii ay ahayd 16/07/2024 magaalada Kismaayo shirka madasha Hoggaaminta wax-ku-oolka ah ee Bahda Cadaalada Soomaaliya. Shirkaas oo diiradda lagu saarayey muhiimadda ay leedahay tayeynta adeegyada cadaaladda, adkeynta iskaashiga iyo wadashaqeynta udhaxeysa hey'adaha cadaaladda dalka, si loo helo nidaam sharci oo hufan. Waxana leysla gartay in sare loo qaado aqoonta iyo xirfadaha Hogaaminta wanaagsan si loo gaaro danta guud ee Cadaaladda.



# 10

## **BOOQASHADA WAAXDA SGBV EE KENYA**

Wafdi uu hoggaaminayo mid ka mid ah Xeer Ilaaliye ku xigeenka Xeer Ilaaliyaha Guud ee Qaranka ayaa taariikhdu markii ay ahayd 08/06/2024, howlo shaqo ku tagay Dalka Kenya. Wafdigaas oo kakoobnaa 9 xubnood oo ka kala socda hey'adaha kala duwan ee ka shaqeeya Baarista denbiyada ayaa booqasho kutagay Xarunta Denbi Baarista Dalka Kenya iyo sidoo kale Sheeybaarka Foorensiga qaranka ee Kenya. Ujeeddada safarkeeda ayaa daarnaa sahan la xiriira dhismaha Sheybaar qaran oo uu dalku yeesho iyo khibrad isweeydaarsi la xiriira howlaha denbi barista. Wafdigaas ayaa isugu jiray Saraakiil Boolis, Dhaqaatiir, Xeer Ilaaliyeyaal iyo khibara kasocota Xafiska Xeer Ilaaliyaha Guud ee Qaranka iyo Machadka Tababarka Garsoorka



# 11

## KA QAYBGALKA DIYAARINTA ISTARAATIJIYADDA CADAALADDA

Xeer Ilaaliyaha Guud ee Qaranka ayaa ka qaybgalay shir ku saabsanaa Banbaxa Diyaarinta Istaraatiijiyadda Bahda Cadaaladda Soomaaliya, kaas oo socday muddo Saddex Maalmood ah. Shirweynahaas waxaa furay Guddoomiyaha Maxkamadda Sare ee dalka, waxaana ka soo qeybgalay hoggaamiyeyaasha cadaaladda heer Federaal iyo Dowlad Goboleed.





# 12

## **DHAARINTA XEER ILAALIYAASHA CUSUB**

Xafiska Xeer Ilaaliyaha Guud ee Qaranka ayaa soo agaasimey Munaasabad lagu dhaarinayay Xeer Ilaaliye Xigeeno Cusub oo loo qaatay Xafiska Xeer Ilaaliyaha Guud ee Qaranka kadib Markii ay ku soo baxeen Imtixaan Daah-furan oo loo qabtay dhalinyaro ka soo baxay Jaamacadaha lagu barto Sharciga.






# 13

## **WADA SHAQAYNTA XAFIISKA IYO HAY'ADDA TAYO DHAWRKA QARANKA**


Xeer Ilaaliyaha Guud ee Qaranka ayaa shir guddoomiyey kulan wada shaqayn oo u dhaxeeyey Xafiiska Xeer Ilaaliyaha Guud ee Qaranka iyo Hay'adda Tayo-dhowrka Qaranka Soomaaliyeed, shirkaas oo ay kasoo qaybgaleen hawlwadeenada labada hay'adood ayaa looga hadlay sidii si dhaw loogu wada shaqayn lahaa iyo in Hay'adda Tayo Dhawrku ay si joogto ah ugu soo gudbiso Xafiiska wixii warbixin dembi ah oo ay ku ogaato Hay'addu baaritaannada ay samayso si lamid ah hay'adaha kale ee baarista, si uu Xafisku uga qaado tilaabooyinka sharciga ah.



# 14

## **SOO DHAWEYNTA WASIIRKA CADDALADDA TURKEY-GA**

Xeer Ilaaliyaha Guud ee Qaranka iyo Guddoomiyaha Maxkamadda Sare ee dalka ayaa kusoo dhoweeyey Maxkamadda Sare Wasiir Kuxigeenka Caddaaladda ee Turkiga Acar iyo wafdi uu hogaaminayey, wefdigaas oo uu ka mid ahaa Safiirka Turkiga ee Soomaaliya Danjire Alper Aktaş. Waxaa kulankaas looga wada hadalay iskaashiga Garsoorka Soomaaliya iyo Turkiga, iyo sidii loo xoojin lahaa xiriirka soo jireenka ah ee labada dal.







# 15

## CAFIS MAXAABIIS

Sanadkii tagay Xafiiska Xeer Ilaaliyaha Guud ee Qaranka ayaa Cafis Madaxweyne kusii daayay 116 Maxbuus oo ku xirnaa Xabsiga Dhaxe ee Xamar iyo Xabsiga MBCC ee Ex kaantoorol Afgooye kuwaas oo lagu sii daayey munaasabadda Bisha Barakeysan ee Ramadaan darteed.





# 16

## **DAAHFURKA MAXKAMADA XABSIGA MUQDISHO**

Xeer Ilaaliyaha Guud Ee Qaran ayaa ka qaybgaley howlgelinta Maxkamad laga dhisay Xabsiga Muqdisho ee ku yaal KM7, taas oo loo dhisay qaab casri ah. Isaga oo Xeer Ilaaliyuhu madasha ka sheegay guulaha laga gaaray amniga iyo dhaqaalaha dalka in aan la xaqiijin lahayn haddii aan dib-u-habeynta lagu sameeyn lahayn hannaanka caddaaladda iyo garsoorka dalka.






## 17

## HISHIISKA DENBIYADA ABAABULAN

Xeer Ilaaliyaha Guud ee Qaranka ayaa ka qeyb galay Taariikhdu markii ay ahayd 23/11/2024 Xafladd lagu Saxiixayey ku biirista Soomaaliya ee Heshiiska Qaramada Midoobay ee la dagaalanka Dembiyada abaabulan ee Qaramada isga gudba iyo baratokoolladiisa. Heshiiskan waa heshiis caalami ah oo lagula dagaalamo dembiyada abaabulan ee dalalka isaga gudba, si dembiilaha aysan ugu suura gelin in uu denbi ka geysto wadan, wadan kalena si nabad ah ugu noolaado, ayaa la soo saaray heshiiskan Sannadkii 2000, kaasoo dadlalka saxiixay heshiiskan u ogolaanaya in dambiilaha si wada jir ah wax looga qabto. Ka mid noqoshada heshiiskan ayaa Dalka Soomaaliya waxa uu u sahli doonaa sooqabasha dambiilayaasha ka baxsada gacanta sharciga, arrintaan oo aan lagu guulaysan karin haddii aanad ka mid aheyn Heshiiskan caalamiga ah.






# 18

## ANSIXINTA ISTARAATIJIYADA CADDALADDA

Xafiiska Xeer Ilaaliyaha Guud ee Qaranku ayaa qayb ka noqday ansixinta kulan howleed socday muddo Saddex Maalmood kaas oo ay isugu yimaadeen bahda caddaaladda Soomaaliya. Kulankaas oo ay ujeeddadiisu ahayd Ansixinta Istaraatiijiyadda Bahda Cadaaladda Soomaaliya ee 2025-2030, kaas oo ay martigalinaysay Wasaaradda Cadaaladda iyo Arrimaha Dastuurka XFS.






# 19

## DHIIRI GALINTA ARDAYDA JAAMACADAHA

Xeer Ilaaliyaha Guud ee Qaranka Hon. Sulaymaan Maxamed Maxamuud ayaa Xafiskiisa ku qaabilay Guddoomiye Ku xigeenka Xiriirka iyo Hormarka & Hormuudka kulliyada Sharciga & Qaanuunka ee Jaamacadda Muqdisho iyo arday ka mid ah Kulliyadda Sharciga kuna guuleystay tartan aqooneed ku saabsan matalaada Maxkamadda (Moot Court) oo loo qabtay Ardayda 6 Jaamacadood oo dalka ah, ayaga oo si gaar ah matalaada Maxkamadda ku metalayey doorka Xeer Ilaalinta (Dacwad Oogista).

Kulankaan ayaa Xeer Ilaaliyaha Guud ee Qaranka ku guddoon siiyay Shahaado Sharaf Maamulka Jaamacada iyo Ardaydaguulaystaayaashaah, sidookalanadhiirigeliniiyogarabistaagausameeyayardaydaku guuleysatay tartanka.

Xeer Ilaaliyaha Guud ee Qaranka ayaa talooyin siiyey ardayda madaama ay ka qayb galayaan tartan kale oo ay Jaamacadda iyo dalkaba ku meteli doonaan oo ka dhici doona dalka dibadiisa.



# CAQABADAHA XAFIISKA

Xafiiska Xeer Ilaaliyaha Guud ee Qaranku, waxa uu ka mid yahay Hay'adaha dawladeed ee sida xawliga ah u kobcaya, iyada oo ay taasi jirto haddana, waxaa jira caqabado waaweyn oo ku gudban in Xafiisku shaqadiisii u guto sida ugu haboon, Caqabadahaas waxaa ka mi ah:

- Xafiiska Xeer Ilaaliyaha Guud ee Qaranka caqabad ka haysta dhanka maaliyadda. Xafiisku waxa uu si maalinle ah adeeg la taaban karo ugu qabtaa Bulshada Soomaaliyeed, haddaba Xafiiska waxa ay caqabad ka haystaa dhanka miisaaniyada, sabababta oo ah shaqadda xafiiska uu qabto oo aad u baaxad wayn iyo miisaaniyadda ay dowladu u qoondeysay ayaan ahayn kuwo isu dhigma.
- Xafiiska Xeer Ilaaliyaha Guud ee Qaranka waxa uu si ku meel gaar ah ugu shaqeeyaa dhismaha Maxkamadda Gobolka Banaadir qayb ka mid ah, dhismahaas oo ay la degan yihiin hay'adaha kale e garsoorka, taasi waxa ay keentay in ay Xafisyadu ay ciriiri nooqdaan, oo halkii Xafis ee loogu talagalay hal Xeer Ilaaliye iyo Kaaliy-ihiisa ay hadda ku shaqeeyaan 3 ama 4 Xeer Ilaaliye, arintaasi waxa ay caqabad ku tahay habsami u socodka shaqada ay Xeer Ilaaliyayaashu sida maalin laha ah u qabtaan.
- Xafiiska Xeer Ilaaliyaha Guud ee Qaranka maadaama uu umadda Soomaaliyeed u qabto shaqo maalinle ah oo aan marna istaagi karin, sida gaarsiin warqadaha dadka uu Xafiisku ku wado baarista, kormeerka Xabsiyadda iyo Saldhigyadda oo u baahan gaadiid lagu tago, tagista meel kasta oo danbi ka dhacay ama baarista danbigaas iyo shaqooyin kale oo aad muhiim u ah, gaadiidka uu xafiisku hayso iyo waajibaadka laga rabo ayaan ah kuwo aan isku dhigmin.
- Sida caadiga ah Xafiisku waa sharci fuliyaha ugu wayn ee Hay'adaha dalka, xafiiska ayay shaqadiisa dhani ku xidhan tahay shuruucda dalka, haddaba, waxa ay Xafiiska Xeer Ilaaliyaha Guud ee Qaranka caqabad wayni ka haysataa dhanka sharciyadda dalka oo ah kuwa duugoobay, ama la curiyay waqti hore iyo dhamaystir la'aanta dastuurka oo ay ku xiran yihiin wax ka bedelka sharciyada.

## TALO SOO JEEDIN

Si wax looga qabto caqabadaha aan sare ku soo sheegnay, Xafiiska Xeer Ilaaliyaha Guud ee Qaranka waxa uu soo jeedinayaa talooyinka soo socda, kuwaas oo uu u arko in ay lagama maarmaan u tahay shaqada uu Xafiisku u haayo Qaranka Soomaaliyeed:

- Xafiisku waxa uu soo jeedinayaa in dowladdu kor u qaado miisaaniyadda Xafiiska Xeer Ilaaliyaha Guud ee Qaranka, si wax looga qabto caqabadda dhanka miisaaniyadda ah ee Xafiiska haysata, una fududaato shaqada uu sida maalinlaha ah ugu qabto dadwaynaha.
- Waxa aan soo jeedinaynaa in uu Xafiisku helo dhismo u gaar ah oo ku haboon shaqada uu u hayo bulshada, sida in Xeer Ilaaliye kasta uu u helo Xafiisk u gaar ah, si loo ilaaliyo xogta qof kasta oo adeeg u soo doonta xafiiska, taas oo ah xuquuqda ay damaanad qaadeen Dastuurka iyo shuruucda kale ee dalka.
- In uu Xafiisku helo gaadiid ka badan inta uu hadda haysto, gaadiidka u shaqeeya Xafiiska ayaa si maalinle ah u qabta shaqo joogto ah. Helitaanka gaadiidkan ayaa waxbadan ka tari doona in shaqadu u socoto si haboon oo habsami leh.
- Si ay Xafiiska Xeer Ilaaliyaha Guud ee Qaranka iyo Hay'adaha danbi baaristu si wax ku ool ah ugu gutaan shaqadooda danbi baariseed, waxa aan soo jeedinaynaa in la xoojiyo xirfadda iyo aqoonta danbi baarayaasha dalka, sidoo kalena in la helo qalab danbi baaris oo tayo sare leh sida qalabka lagu sameeyo baarista cilmi-yeysan ee Forensic-gaa, kaas oo Meesha ka saari kara in uu baxsado qof danbi galay, sidoo kalena fududeyn karo shaqadda danbi baarista.
- Ugu danbays waxa uu xafiisku soo jeedinayaa in wax laga qabto dibna loo habeeyo dhammaan shuruucda dalka ee duugowday, lana soo saaro shuruuc la jaan qaadi karta waqtigan casriga ah ee uu caalamku marayo.



XAFIISKA XEER ILAALIYAHA GUUD EE QARANKA  
OFFICE OF THE ATTORNEY GENERAL  
مكتب النائب العام

# WARBIXIN SANNADDEEDKA 2024

